



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Proponitur status quæstionis, & pars affirmativa, ut probabilior
eligitur,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

tas quæ h̄ic reperitur, non est exigenda ex parte ipsius actus, sed ex parte solius effectus producti; quamvis etiam ex effectu quodammodo refundatur in actu, non quidem secundum substantiam, sed virtutem ut exercitam; quia si potuit non esse effectus, potuit etiam actu effectum non producere: sicut actio ut creativa, vel conservativa desineret, si desineret effectus, etiā tamen nihil intrinsecum actioni deperiret: quod idem contingere persona divina quæ humanitatem Christi terminat; si enim desineret humanitas, desineret terminatio etiam intrinseca, etiā nihil intrinsecum amitteret: quia terminatio nihil aliud est, quam ipsa substantialia Verbi Divini in recto, ut connotat humanitatem cui unitur in obliquo: etenim in hac sententia quam h̄ic explicamus, non est necesse quod adveniat aliquid intrinsecum, vel pereat, ut adveniat, vel pereat intrinseca denominatio, ut statim ostendemus.

^{113.} Ad confirmationem, concedo Majorem, & distinguo Minorem: Quod constituit Deum liberē volentem, est aliquid intrinsecum præcisè, nego: est intrinsecum ut connotans in in obliquo effectum productum, concedo; & sub hac ratione potuit deficere, quia potuit non producere effectum, nec ipsum subinde connotare.

^{114.} Objetetur secundò: Omnis denominatio intrinseca debet provenire ab aliqua forma intrinseca: Atqui denominatio liberi in Deo, est denominatio intrinseca: Ergo debet provenire ab aliqua forma intrinseca: Atqui iterum hac forma non potest esse nisi aliqua ratio intrinseca, superaddita actu necessario: Ergo &c. Hæc Minor subsumpta probatur: quia forma qua Deum denominat liberē volentem, non potest esse ipse actus necessarius; siquidem omnis denominatio similis est, & ejusdem conditionis cum forma à qua oritur: Ergo actus necessarius non potest liberē, sed solùm necessariò volentem denominare.

^{115.} Respondeo primò Majorem esse absolutè negandam, quia interdum potest advenire nova denominatio intrinseca, etiā nihil intrinsecum adveniat, ex sola connotatione aliquicis extrinseci: cuius plura exempla afferri possunt. Nam materia prima dicitur habere vel complacentiam formæ præterita, vel desiderium futuræ, quæ denominations intrinsecae sunt, & tamen non oriuntur nisi ex connotatione formæ quam habuit, vel habitura est. In sententia eorum qui sunt extra Scholam D. Thomæ, & qui non distinguunt relationem à fundamento, fundamentum dicitur intrinsecè referri ad terminum, etiā nihil intrinsecum recipiat, ex eo solùm quod terminum connotet; & agens dicitur agens intrinsecè, non quod actionem in se recipiat, sed quod eam in passo receptam connotet; & licet in vera sententia agens complementum aliquod virtutis recipiat, à quo denominatur agens effectivè; attamen non denominatur agens formaliter, nisi ex sola actione, quia tamen non est in ipso, sed in passo. Idem etiam in Deo reperitur, nam Deus dicitur Creator, quæ denominatio non potest non esse intrinseca, per solam virtutem activam, sine nova perfectione addita, ut connotat effectus productos; & dicitur etiam habere cognitionem futurorum contingentium intuitivam, sine ulla ratione superaddita, etiam virtualliter distincta, nam scientia visionis, & libera, nequidem virtualiter à scientia necessaria & simplicis intelligentiae distinguitur; quia illa distin-

A Etio virtualis non potest oriiri ex objecto materiali circa quod versatur scientia visionis. Demum persona divina dicitur intrinsecè terminare humanitatem, etiā nihil intrinsecum adveniat, ex eo præcisè quod connoter humanitatem cui unitur. Idem dicendum de actu libero Dei, Deus enim dicitur liberē volens creaturem, non quod aliquid intrinsecum recipiat, vel amittat, aut alio modo se habeat, sed quod in se immutabilis creature mutet, circa eas versetur, & eas connotet. Sed præterea

Respondeo secundò, non desiderari h̄ic formam intrinsecam, ex qua proveniat denominatio liberi, (quod etiam dicendum est de aliis denominatiōibus creatoris, videntis, terminantis) provenit enim ex ipso actu voluntatis divinae qui importatur in recto, ut connotat in obliquo effectum productum. Unde concessio primo argumento, distinguo Minorem subsumptam: Actus necessarius non potest denominare Deum liberē volentem, ut est necessarius, & versatur circa bonitatem divinam, & secundum perfectionem intrinsecam, secundum se & præcisè sumptam, concedo. Ut versatur circa creaturem, & eas connotat, nego: sub hac enim ratione non est necessarius, sed liber.

^{116.} Objicitur tertio: Decretum liberum est Deo ratio cognoscendi creaturem existentes, aut futuras: Sed non secundum rationem intrinsecam, quoad intrinseca necessariam: Ergo quoad intrinseca liberam, ac subinde qua possit deficere secundum intrinseca, non secundum extrinseca solū, & secundum illud duntaxat quod importatur in obliquo.

^{117.} Respondeo concessa Majori, distingundo Minorem. Decretum non est ratio cognoscendi creaturem secundum aliquam rationem intrinsecam necessariam, ut necessaria est præcisè, concedo: ut versatur circa creaturem, & eas connotat, nego. Decretum ergo liberum duo dicit, ut sapientius explicuius, alterum in recto, & est ipsem actus secundum rationem intrinsecam; alterum in obliquo, & est creatura, vel existens, vel futura: cum verò illud rectum, scilicet actu voluntatis divinae, obliquum connotet, scilicet creaturem, facile poterit esse ratio cognoscendi creaturem existentem vel futuram.

ARTICULUS IV.
An detur in Deo libertas contradictionis, ita ut eius voluntas, ab omni actu libero potuerit manere suspensa?

§. I.

E Proponitur status questionis, & pars affirmativa, ut probabilius eligatur.

^{118.} Suppono primò, tritam & communem liber. status divisionem, in libertatem contrarietatis & contradictionis. Prima est indifferentia ad actus contrarios, ut amare, & odio habere. Secunda est potentia ad actuū, & negationem ejus, sive ad volendum & non volendum.

^{119.} Suppono secundò: Quid cùm libertas Dei non sit potentialis, sed per modum actuū purissimi; & cùm in Deo actu liber non distinguatur realiter à necessario, sed unus & idem actu simplicissimus, eminentissimo modo sit necessarius & liber: necessarius quidem per ordinem ad divinam bo-

^{120.}

DE LIBERTATE VOLVNTATIS DEI. 407

nitatem ut objectum primarium, liber verò per ordinem ad creaturas ut objecta secundaria & materialia, non potest dari in Deo libertas contradictionis per ordinem ad actum & negationem ejus, sed solum penes terminationem ad objecta creata, & negationem illius. Unde quando queritur an in Deo sit libertas contradictionis, idem est ac si queratur, an voluntas Dei potuerit manere suspensa, & cessare ab omni exercito, seu terminatione libera ad objecta creata: v.g. ad futuritionem Petri, vel non futuritionem illius.

121. Suppono tertio: probabilem esse aliquorum Theologorum sententiam, assertum quod proposito voluntati create objecto, illa potest ab omni actu positivo cessare, ac exercere suam libertatem per puram omissionem, qua voluntaria & libera est, libertate negativā. Queritur ergo, an sicut in illa sententia probabili, voluntas creata objecto sibi proposito manet libera, nemed libertate contrarietas, sed etiam libertate contradictionis formaliter, taliter quod possit nullum actum erga illud elicere. Ita voluntas Dei, proposita sibi ab aeterno futuritione Petri v. g. & negatione illius, non solum sit libera libertate contrarietas, quatenus potuit velle futuritionem, aut negationem illius: sed etiam libertate contradictionis formalis, ita ut potuerit mere negativē se habere, nec volendo futuritionem, nec volendo negationem illius, sed ab omni terminatione libera cessando.

122. Partem negativam tenent ex nostris Navarrete, Nazarius, & Gonzalez; & ex extraneis Suarez, Vazquez, Granado, & Arrubal, quos referunt & sequuntur Salmaticenses, tract. 4. disp. 5. dub. 3. §. 2.

Fundamentum hujus sententiae duplex est. Primum sumitur ex summa perfectione & actualitate divinae voluntatis ut liber, quam existimant predicti Authores non posse salvari, si voluntas divina maneat suspensa ab omni actu libero, seu ab omni terminatione ad creaturas. Secundum petitur ex summa perfectione & universalitate scientiae liberae Dei, qua etiam non videtur stare posse cum suspensione omnimoda divinae voluntatis, & seclusis decretis absolutis, vel conditionatis, in quibus ejus certitudo fundetur.

123. His tamen non obstantibus, pars affirmativa satis communis est apud Thomistas, eamque defendunt Ferrariensis, Caeteranus, & Curiel relati à Salmanticibus ubi supra, Herrera in manuscriptis ad art. 3. hujus questionis & plures alii Recentiores & ingeniosi Thomistæ. Unde huic sententiae, ut probabiliori, & conformiori principiis circa Dei libertatem articulo praecedenti statutis, subscriptis,

Dico, voluntatem Dei ab omni terminatione libera ad creaturas potuisse manere suspensam, ac proinde illam esse liberam, non solum libertate contrarietas, sed etiam libertate contradictionis.

124. Probatur primo conclusio destruendo primum & pricipium fundamentum Adversariorum. Nulla reperitur imperfectione in voluntate divina, per omnimodam suspensionem omnis decreti, seu omnis exercitij libertatis erga creaturas: Ergo non est ratio quare non possit sic esse & concipi divina voluntas. Consequens pater, Antecedens probatur. Si quae enim esset, maximè quia ex tali suspensione, & carentia exercitij libertatis, sequeatur aliquis defectus perfectionis vel actualitatis in divina voluntate: Sed ex tali suspensione non sequitur illa carentia perfectionis & actualitatis: Ergo &c. Major est pricipium fundamentum

125. A Adversariorum: Minor verò in qua est difficultas, sic ostenditur. Exercitum liberum volitionis divinae, non superaddit ad perfectiones necessarias Dei, entitatem, actualitatem, vel perfectionem; sed rationem puram terminationis, ut ostendimus articulo secundo: Ergo ex eo quod à tali exercitio divina voluntas ad quatè cessaret, ac maneret suspensa, nullius perfectionis seu actualitatis defectus sequeretur.

Confirmatur, & urgetur amplius. Ideo absque ulla imperfectione potuit voluntas Dei non velle futuritionem Petri v. g. quam de facto voluit, quia terminatio per modum volitionis non superaddit novam perfectionem, vel actualitatem. At nec etiam terminatio libera per modum volitionis aut nolitionis vagè considerata, perfectionem addit, vel actualitatem: Ergo etiam ab illa prout sic, absque ulla imperfectione potuit cessare, & consequenter potuit nec velle nec nolle futuritionem Petri, aut negationem futuritionis ejus.

Confirmatur secundum: Absque ulla imperfectione potuit misericordia Dei, ab exercitio misericordie suspensa remanere, & idem dic de justitia divina, & de omnipotencia; hac enim omnia attributa, si Deus nihil produxisset ad extra, à principiis executivis misericordie, puniendo, &c. suspensa manerent: Ergo etiam voluntas divina ut libera est, potuit absque omni imperfectione, ab omni exercitio volendi manere suspensa.

Probatur secundum conclusio, destruendo aliud fundamentum Adversariorum. Quamvis divina voluntas non se determinasset, circa futuritionem vel non futuritionem aliquarum rerum possibilium, hoc tamen non obesse perfectioni divinae scientiae, nec impedit quin certo cognosceret illas non esse futuras: Ergo ruit, vel saltet nutat aliud fundamentum adversa sententiae. Consequens pater ex suprà dictis: Antecedens verò probatur. Ut enim Deus cognoscat aliquid non esse futurum, non requiritur quod habeat aliquod decretum positivum de ejus non futuritione, sed sufficit quod nullum habeat de ejus futuritione; talis enim liberum decretum negatio, seu tale decretum negativum, sufficit ad non futuritionem aliquid rei possibilis, ut ostendimus in Tractatu Dis. 6.
art. 7.
§. 6.

E De Scientia Dei, & rationem assignavimus, ex discrimine quod inter futuritionem & non futuritionem reperitur. Cum enim rem esse futuram sit aliquis effectus positivus, & futurum dicat ordinem positivum ad existentiam aliquando habendam, & omnis effectus positivus petat pro causa liberam Dei volitionem, hinc est quod ad futuritionem alicuius rei requiritur decretum positivum & actuale voluntatis divinae. E contra verò, cum rem non esse futuram, non sit aliquid positivum, sed sola negatio futurionis & existentiae aliquando habenda, & ad negationem non requiritur positivus influxus, sed sufficiat sola ejus negatio: ut aliqua res non sit futura, & ut talis à Deo cognoscatur, satis est quod divina voluntas circa ejus futuritionem & non futuritionem maneat suspensa, & habeat circa illam decretum negativum, seu liberum decreti negationem, sicut ut sit calor, requiritur causa positivè influens in illum; ut vero non sit, sufficit sola influxus negatio.

Confirmatur primò: Sicut se habet concursus Dei ad extra in ordine ad existentiam rerum, ita se habet ejus decretum in ordine ad illarum futuritionem: Atqui ad negationem existentiae alicuius rei, non requiritur influxus positivus divinae omnipotentiae, sed sufficit sola concursus seu in-

128.

Ruxus negatio: Ergo similiter, ad non futuritio-
nem illius, nullum requiritur positivum decre-
tum, sed sufficit libera ejus negatio, seu libera di-
vinæ voluntatis suspenso.

^{1329.} Confirmatur amplius: Absurdum videtur fin-
gere in Deo infinita ferè decretū conditionata,
circa infinitas ferè combinationes possibilis, inter
quas plures videntur absurdæ & nugatoria, & af-
ferere quid in Deo sit decretū positivum & actua-
le, quo positivè velit & determinet, quid si cap-
pra v. g. saltet, arbor non florebit: quid si gallus
canet, Turca non convertetur: si Petrus dormiat
Romæ, Joannes non saltabit Burdigalæ, & circa
similia humanae mentis deliria. Unde multò con-
venientius videtur asserere, voluntatem divinam
circa hujusmodi combinationes, & futura condi-
tionata disparata, mansisse suspensam, & habuisse
solum circa illa decretum negativum, seu libe-
ram decreti negationem, in qua certò cognoscit,
illa non esse futura.

§. II.

Solvuntur objectiones.

^{1330.} Objicies primò: Divina voluntas ut libera,
non minus est in ultima actualitate, & actus
purus, quam si consideretur ut natura, vel ut ne-
cessaria: Ergo sicut voluntas divina per modum
natura considerata, est necessariò in actu secundo,
respectu objecti primarij quod necessariò diligit:
ita etiam ut libera debet necessariò esse in actu se-
cundo, respectu objecti secundarij in quod liberè
tendit.

^{1331.} Respondeo concessō Antecedente, distinguen-
do Cōsequens: Respectu objecti secundarij debet
esse in actu secundo, quantum ad entitatem, &
actualitatem, concedo: quoad exercitium, & ter-
minationem, nego. Solutio patet ex suprà dictis:
ut enim suprà annotavimus, libertas divina non
consistit in indifferentia potentia ad actum &
negationem ejus, sed in indifferentia actus purissimi
ad terminationem ad objectum creatum, & ne-
gationem terminationis; ex quo non colligitur
esse potentia, seu non esse actum purum; sicut
nec ex eo quod misericordia & justitia divina in-
differentes sint ut terminentur vel non terminen-
tur ad objecta creata, aliqua potentialitas vel de-
fectus actualitatis in illis infertur. Et quidem si
quid probaret hoc argumentum, convinceret vo-
luntatem Dei liberam debere habere positivas
omnes terminations ad creaturas quarum est cap-
pax, quod nec ipsi quidem Adversarij admittent.

^{1332.} Instabis, Voluntas divina, quia sub conceptu
naturæ est actus purus, & omnisi potentialitas
expers, non solum est in actu secundo quoad en-
titatem & actualitatem, sed etiam quoad termina-
tionem, & exercitium illius circa suum ob-
jectum: Ergo similiter si voluntas Dei ut libera sit
actus purus, debet esse in actu secundo, non so-
lum quoad entitatem & actualitatem, sed etiam
quoad omne exercitium, & omnem termina-
tionem.

^{1333.} Respondeo negando causalem: non enim hac
solum ratione, voluntas divina sub conceptu na-
ture, est in actu secundo quoad terminationem,
circa objectum quod necessariò diligit, sed quia
terminatio ad tale objectum, est necessariò con-
nexa cum actualitate voluntatis divinae, ob neces-
sitatem objecti: quia illō propositō per intelle-
ctum, cū representetur ratio summi boni, ne-
quit voluntas non exercere actum circa illud: cu-

A jus oppositum in terminatione libera contingit;
quandoquidem ejus objectum, cūm creatum &
finitum sit, & finitam bonitatem habeat, nequit
necessariò allicere voluntatem divinam, ut ha-
beat necessariò exercitum terminationis ad illud,

Objicies secundò: Non stat summa perfectio ¹³⁴
scientiæ Dei liberae, cum suspensione omnimoda
voluntatis divina: Ergo illa non est admittenda.
Consequentia patet, Antecedens probatur. Nam
ut ostendimus in Tractatu de scientia Dei, sublati
decretis absolutis, & conditionatis, non potest
stare certitudo & infallibilitas scientiæ Dei, respe-
cta futurorum contingentium: Ergo perfectio
scientiæ Dei liberae, cum suspensione omnimoda
divina voluntatis subsistere nequit.

B Respondeo negando Antecedens: ad cuius pro-
positionem, in primis dicendum est, quid si volun-
tas Dei circa futuritionem, vel non futuritionem
omnium rerum possibilium mansisset suspensa,
ejus scientia non cognoscere res ut futuras, sed
solum ut possibilis: neque hoc arguit imperfe-
ctionem, sed potius summam perfectionem in
divina scientia, qua debet attingere res ut sunt, &
illas cognoscere eo modo quo sunt cognoscibiles;
in tali autem casu, nihil esset cognoscibile ut fu-
turum; quia nullum esset in Deo decretum, quod
res extraherentur à statu mera possibilis, ad
statum determinata futuritionis. Sed quia ex fide
& divina revelatione habemus, voluntatem divi-
nam circa futuritionem rerum omnium possibi-
lium, non mansisse suspensam, sed absolutè vel
conditionatè, ad plurimum rerum productionem
& futuritionem se determinasse.

C Respondeo secundò: certitudinem divinæ ¹³⁵
scientiæ, quantum ad ea quae sunt futura, fundari
in decreto positivo, absoluто, vel conditionato,
quod Deus absoluто vel conditionatè decretivit illo-
rum productionem & futuritionem: quantum
verò ad ea quae non sunt futura, fundatur vel in
decreto positivo, quod Deus absoluто, vel condi-
tionatè noluit illorum futuritionem: vel in decre-
to negativo, seu in libera decreti negatione, quia
noluit se determinare ad illorum futuritionem,
aut non futuritionem; tale enim decretum nega-
tivum sufficit (ut ostendimus) ut aliquid non sit
futurum, & ut tale cognoscatur à Deo.

D Ex quo inferes, duplex esse medium in quo di-
vina scientia potest certò cognoscere aliquid non
esse futurum. Primum est decretum positivum,
quod positivè vult non esse illius rei. Secundum est
decretum negativum, seu libera omissione omnis
decreti positivi, circa ejus futuritionem vel non
futuritionem.

E Objicies tertio: In voluntate creata non potest
salvari ratio perfecti liberi per puram omis-
sionem, ut docent plures Thomistæ 1. 2. qu. 6. art. 3.
& qu. 71. art. 5. Ergo multò minus in voluntate
divina salvabitur ratio libertatis, per solam vo-
luntariam omnis decreti positivi suspensionem.

F Respondeo dato Antecedente, de quo dispu-
tant Theologi locis citatis, negando Consequen-
tiā, & paritatem. Ratio disparitatis sumitur ex
differentia libertatis divinae & creatæ. Libertas
enim creata non est ad terminations diversas
ejusdem actus, sed ad diversos actus: unde quia
in casu puræ omissionis, nullum haberet actum
voluntas creata, non salvaretur in ea perfecta li-
bertas in actu secundo, si quidem actus secundus
nominat actum. Ceterum in Deo non est liber-
tas ad diversos actus, sed ad eundem actum, cum
diversa terminatione, unde non intellecta adhuc
in ejus